

欽定四庫全書

子部

外臺秘要方卷四十



南京中医药大学图书馆版权所有

外臺秘要卷四十一

虎傷人方
治虎傷人方寸匕

虎傷人方
治虎傷人方寸匕

唐 王燾 撰

仍煮葛根汁令濃以洗
魚葛汁以服方寸匕日

方小品刪繁古

今錄驗並同千金方治虎咬

外臺秘要方

又方

嚼栗塗之

姚方文仲備急古
今錄驗千金同

又方

煮生鐵令有味以洗瘡

姚方文仲備急古
今錄驗千金同

又凡猛獸毒蟲皆受人禁氣今人將入山草中自宜先
作禁以防之可不俟備而後療也其經術云到山下先
閉氣三十五息所在山神將虎來到吾前乃存吾肺中
有白帝出收取虎兩目塞吾下部中乃吐肺氣上自通

冠一山林之上於是良久又閉氣三十五息兩手捻都
監目作三步步皆以右足在前乃止祝曰李耳李耳圖
汝非李耳耶汝盜黃帝之犬黃帝教我問汝汝荅之云
何畢便行一山虎走不可得見若卒逢之者因正而立
大張左手五指側之極勢跳手上下三度於跳中大喚
咄曰虎北斗君使汝去虎即走止宿亦先四向如此
又方

雄黃

硫黃

紫石

右三物擣末以絳囊盛之帶以防用

本方無硫黃

集驗療熊虎傷人瘡方

取蒴藿一大把剉碎以水一升漬須臾取汁飲之
餘滓以敷瘡上

備急入山辟虎法

燒牛角羊角虎不敢近人

文仲肘後千金姚同出第八卷中

辨蛇一首

肘後云惡蛇之類甚多而毒有差劇時四五月中青蛇

蒼虺白頸大蜴六月中竹狩文蝮黑甲赤目黃口反鉤
白蝻三角此皆蛇毒之猛烈者中人不即療多死第一
有禁第二則藥今凡俗知禁者少縱尋按師術已致困
斃唯宜勤事諸藥但或經行草路何由皆齋方書則應
儲具所製之藥并佩帶之自隨天下小物能使人空致
性命者莫此之甚可不防慎之乎

文仲備急同
出第八卷中

禁蛇法三首

崔氏禁蛇法

路安滿
所傳

有人被蛇螫者縱身不得自來但有報人至前使之坐問被螫何處即面已地依左右駛掐頭指內第一節曲文頭側上仍心想口暗誦曰嚙蛇頭掐蛇目望蛇鄉踏蛇足訖則放前人去待極遠然後緩放所掐處即差

路安滿禁蛇法

五月五日從門東斜向南三步九跡四方取氣訖重向南方取氣即切切誦後咒文四十九遍於後

任所行用其遮吒呵迦吒僧禁吒嚩劍吒蛇毒死
嚩劍嚴蛇毒爛若欲誦呪時須在月建上立喚被
螫人當前立定然後轉背行七步仍頓足迴身向
被螫人立掐指二所如了乃誦呪七遍即放所患
者歸可一炊久放掐目也若不解呪蛇致死乃放
掐目誦云吾庭前者木百尺無枝鳳皇在上資斯
速出放汝去攝汝壽命寧收急急如律令

出第五
卷中

古今錄驗禁蛇嚙方

高元海大
李叅軍送

咒曰某郡某縣里男女姓名年若干於某年月日
時於某處為某色蛇螫某處陰咒云你是巳功曹
我是亥明府你若不攝毒吾當掐你口閉氣隨想
掐蛇口蛇口在食指第二節白肉際文以手大指
甲掐之各自以其手屈食指掐之閉氣急掐若螫右
手右手掐左手左手掐螫當中兩手盡掐急忘任
放手腫處手刺去血即便差

出第四十五卷中

辟蛇法三首

肘後姚氏仙人入山草法辟蛇之藥雖多唯以武都雄黃為上帶一塊古稱五兩於肘間則諸蛇毒物莫之敢犯他人中者便摩以療之帶五蛄黃丸良以丸有蜈蚣故也人入山伐船有太赤足蜈蚣置管中繫腰又有鼃龜噉蛇帶其尾亦好鵠日喙彌佳禁法中亦有單行輕易者今疏其數條然皆須受而後行不爾到山車口住立存五蛇一頭乃閉氣以物屈刺之因左迴兩步思作蜈蚣數千以衣身便行無所畏也

張文仲備急同

集驗入山草辟衆蛇方

乾薑

生麝香

雄黃

右三味等分擣以小絳囊盛男左女右帶佩則蛇逆者辟人為蛇所中便以療之如無射香以射茵和帶

之療諸毒良

肘後千金文仲備急古今錄驗同出第九卷中

千金療入山辟衆蛇方

當燒羚羊角令烟出蛇則去矣

肘後同出第二十六卷中

蛇嚙人方一十四首

廣濟療毒蛇嚙方

取慈孤草擣以薄之即差其草似鷲尾者是大效

出第五

卷中

肘後蛇嚙毒腫方

乾薑末敷之燥復易之

備急文仲
千金同

又方

灸嚙處三五壯則毒不能行

又方

擣射蔞塗腫上血出乃差

備急文仲
千金同

又方

猪屎熬令焦末藍一把水三升煮取二升投屎攪

和以洗之差

文仲療蛇嚙方

擣雄黃末以敷之日三四度差

又方

取梳裏垢如指大長一寸以尿和敷之

又方

灸梳使汗出以熨瘡口即驗

備急千金同

又方

取雞屎二七枚燒作灰投酒服之差

千金同

必效療蛇咬方

五月五日前七日即齋不得食飲酒肉五辛仍先向桑下覓菟葵先知處記之至五月五日中時先手摸桑木陰一遍仍著上摸索之訖即以口嚙取

菟葵嚼使熟以唾塗手熟揩令遍五月七日潔齋
如後七日內亦不得洗手後有蛇蠍螫者以手摩
之即差止

又方

燒桑刀麝香少許和刀上以烙嚙處令皮破即差

又方

生蠶蛾陰乾為末敷嚙處孔中數易之其蛾有生

子者妙

又方

麝香

雄黃

半夏

巴豆

右四味等分為末敷之

又方

先以唾塗咬處熟揉生大豆葉封之

蛇螫方六首

肘後蛇螫人瘡已合而餘毒在肉中淫淫痛痒方

取大小蒜各一升合擣以熱湯淋取汁灌瘡中

姚同

崔氏療被蛇螫驗方

生椒 三兩

好豉 四兩

右二味以人唾和擣令熟用傅傷處須臾即差

又方

取獨顆蒜截兩頭著螫處一頭大作艾炷灸之如此即愈未愈更灸以差為度

又方

取狼牙草六月已前用葉已後用根生咬咀以葉